

兩當軒詩鈔卷之五

武進

黃景仁

仲則著

長寧

趙希璜

涓川校

汝南范孟博祠

登車慷慨竟何成危論俄教四海傾誰許夷齊伴歸骨尙留
李杜與爭名風流舊仰先賢傳月旦翻輸後輩評門外汝流
東去急君看此水幾回清

寒鴉

朔風吹城白日低登樓四望懷慘悽排空戰戟萬枯樹樹樹
上著寒鴉啼寒鴉初來半天黑同雲作陣風附翼飄蕭散落
林岡頭倪迂畫點米顛筆此鳥亦如雁隨陽哀聲前後感詞
兩當軒詩鈔卷五

曉起樓上

甫有鴉驚樹披衣洞竹樓平憐萬家夢猶壓曉雲頭獨醒嗟
何益勞生此暫木朝霞如可掬吾願訪丹邱

雜詠

陳平未豹變乃在委巷居貧賤不相救安用長者車恬退匪
所甘落拓計益疎藉非時命濟咫尺填溝渠齋志遂沒地史
筆何勝書誰與負物色半在風塵初買臣傲妻子斯理堪殺
軀聖論貴素位大賢有卷舒不見張仲蔚蒿萊深閉廬

歲暮寄懷友人

短圭何促迫衆感因摧藏朔風搖天雲吹結百草霜修途曷
云極層城各相望金石不在軀恃有懷信芳及當壯盛日敬
矣事容光

木蘭祠

替耶征戰屬蛾眉勸孝如何史筆遺一自當窻拋杼袖直從
絕塞採焉支明駝歸里驚同伴白骨填荒媿健兒樂府歌篇
今尚在誰將簫管賽神祠

題酒家壁

一杯凍面破陽春更洗盈襟萬斛塵入市馬周空骨相登樓
孫楚尙精神兒童自笑行歌客徒御兼羞失路人歸覓傳家
兩當軒詩鈔卷五
酒壚去莫教風笛愴西鄰

發潁州

昨來清潁上高館歌醉厭曉風暹清歌遊子愁捲簾卧聞鈴
鐸語聒耳差可嫌俄來僕夫瘁孤蓬犯霜嚴屈指卸鞍日畢
口應已占歡塲知有散當散戚不歡口口逐前侶隱隱望層
檐風水引夙口尺五沙痕添口驚遠鴻落汲動靈虬潛一夕
頓殊况冷煖不可兼預恐清鏡裏兩鬢堆吳鹽

舟中

一沙介杯渚阻此疾帆勢拳鷺不畏人舟行自相避已忘身
是空但苦波轉地高桅落霞彩長袂盈水氣潏流如湘流清
絕渺迤邐去心一何長懷古曠難寄上流飲牛人或可明吾

淮上曉發

水聲夢語同怨幽曉來浪花齊白頭淮山一髮轉柁得向我
低昂如有求風吹五兩鷁飛急浩歌誰識滄洲逸前途縱有
桂樹攀多恐天寒已無實

蘄口曉發

憶昨霜落停客舟皎然月映清淮流口口老兵三兩輩忍寒
擊柝沙上頭五更夢醒舟已發但見荆塗兩山相向浮兩山
鼓勢不相下急湍盤渦走其罅觸舟或是黃熊精拔劍欲絕
蒼兕惺疑神疑鬼心不驚順流鼓吹天平明揚州南岸雲樹
山鍾離古國烟塵清風爲息其威水亦靜其聲令人轉思大
兩當軒詩鈔卷五

三

禹力浩蕩自逐朝宗行水自思歸我何急苦向中流放舟入
窮冬人事東去波曾無少停當奈何今宵有酒吾當歌
陰陵

帳中餘泣尙沾巾上馬星馳數騎塵如大王言空斬將信漁
父問詎知津荒城尙竄驚弦獸大澤常多失道人見說英雄
且來往深楸月黑走青燐

塗山禹廟

鐵花已繡支祈股閃口罔象逃鞭鞘文命治水何精教玉斗
熨眉星冠斷夢中飲河不用甌庚辰亥暨供趨趨奚仲扶策
驅轆轤趨風白水躬曲勺元圭乃得天貺俊聚塗舊國山峴
曉日暮失嗣心孔悒祥狐候立風尾捐南音歌始正不咬出

門那顛兒啼噉台桑莽莽雲氣驕斷山出脉水納浮蠟珠吐
孕璞剖胞精餒浮爍波蒸魚作貢用逐橘袖包日月拱璧覓
垂旒典瑞輯玉爭來越樂作言口兼沂巢趨風振珮歛衽袖
峩峩冠冕參閭父更攝荒邈來圻郊貫冑長肱日或兒操蛇
衣卉額塗匏兜離口口聲啾啾窈窕首龍雕題鮫或乘飛黃
髮垂髻或乘騶吾駕神蛟千詭萬狀窮撮抄各望聲教奔如
塵行不用命遭擊培汪罔骨軸專車拋桐柳血漉穀不苞省
方用代重瞳庖威爽萬劫留巖均越三載會山登茅記傳兩
地爭譏誥編年塚竹差不滄辛壬癸甲史筆譏兩日生子後
所嘲眾論概勿深推敲黃熊怒氣餘咆哮驚軀鹿足驅銀泡
女媧化石立地膠風蕩日暈晴微窅宮殿相望同壑辱承塵
兩當軒詩鈔

卷五

四

玉座無蠟蛸松耶柏耶虬龍梢歲時雜沓神巫跑罷若百戲
喧鐘鏗肥羊滿羶牛折炮至今熊白忌薦肴餘愴尙與人心
交靈幢肅肅聲颼颼送迎曲起神無聲

夜起

詩顛酒渴動逢魔中夜悲心入寤歌尺錦才情還割截死灰
心事尙消磨魚鱗雲斷天凝黛蠹壳寒稀月逗梭深夜燭奴
相對語不知流汨是誰多

鳳陽使院

空廨經年閉初來掃棘荆饑颯驚夜火歸鳥駭書聲夢倦淮
南路心依海角城婆娑伏塵劍舞影共參橫

壽陽懷古

鐘鳴鼎食是何年
玉几金床未肯眠
輕薄江淮多子弟
有無鷄犬亦神仙
秘函已驗更生獄
叢桂空攀正則篇
終古八公雲外立
曾將何術鑄桑田

華門俠氣有聲稱
竄竊俄誇士運乘
廁上蛾眉餘涕淚
帳前獅子早飛騰
眼看河北同灰滅
手裂淮南作社憑
詎料當塗是真敵
樞床悲叱竟何能

紫縠香囊白練裙
翩翩儒將掃邊氛
重名不惜燒船火
奇陣何殊背水軍
亡國魚羊應共喜
戰場風鶴尙難聞
穩教了得東山局
可仗兒曹破敵勛

懸弧重鎮嘯鴟鷂
棄甲宵奔此渡頭
羯豎竟教登玉座
儂家從此闕金甌
北山南岸嗟何及
白馬青絲唱亦愁
借問當時兩當軒
詩鈔

卷五

五

誰揖盜悔令常黜作監州

濠梁

誰道南華是僻書
眼前遺躅喚停車
傳聞莊惠臨流處
寂寞濠津過
雨餘夢久已忘身
是蝶水清安識我
非魚平生學道無
堅意此境依然一起尋

濠州雜詩

濠上風雲氣寂寥
荒城風日晚飄蕭
地形分控東西楚
山勢猶爭南北朝
陌路沙塵顏黯澁
鄉關橘袖盼迢遙
昨來汴泗交流處
作客依然斗轉杓

半生古意儘消磨
挽日空勞壯士戈
宿莽難邀論水客
曉風猶怨拔山歌
路開空澗中原氣
夢繞迷漫淮海波
欲向都梁

采香草美人天末奈愁何

龍興寺

上頭棟宇閎興衰事去英靈失護持雲氣何年接芒碭山門
猶自枕鍾離

聖朝寬大仍遺構勝國蒼涼祇斷碑欲叩恒河沙數劫入閭
除是法王知

歸心

歸心日夜壓征驂霜雪殘年景不堪多少重山遮不盡淮南
行盡又江南

左二過飲贈詩一章

兩載疲津梁十日卸行李靜思論文歡舉念卽吾子掃除甫

兩當軒詩鈔

卷五

六

擁篲將迎遽倒屣感君意更親憐我窮未死腐芥與曲鍼嗟
哉彼哉彼虹采不惜藏乃獲千金指朝心飛扶桑暮恨飲弱
水伊誰饋萱蘇愁絕不自已所惜生平人纏綿結端綺對酒
靡不陳傾吐請更始衰親望子心未必非甘旨首務以力養
百事尙根柢綺才如懸毫厥類難久恃端賴經籍腴養之佐
驅使古人不盡言落落藏故紙食蕨先食根食魚先食尾博
趣貴伸引趣得胡不喜持登大雅堂庶摩作者墨蹉跎愧故
人深言冀君唯動爲數年別中年各在邇念此愴以悲君亦
霍然起霜月知人心盈空澈塵滓酒面迎朝風血熱變殷紫
共此明光中相與去疑似敬矣千秋客勗哉天下士

壬辰除夕

無多骨肉話依依珍重相看燈燭輝飲爲病遊千里減瘦因
吟過萬山歸老親白髮間常倚稚子紅爐笑作圍屏却百憂
成一喜去年孤淚此時揮

人日曠舟亭探梅過飲左雲在齋頭

多時欲探東城梅披衣徹曉衝風來釵枝粟蕊一相對妙意
遠勝千林開此意看花知蓋寡樽前盡是同心者戰深冰雪
見性情畧去元黃得聲價主人愛客客滿堂今夕何夕同燭
光道衡風雨思家苦杜甫江湖引興長去年此日空相憶珍
重緘詩淚沾臆兩度看花當故人故人常共花無色重遊拍
手當花前買醉何須計十千傳家幸有酒壚在除却壚邊何
處眠三更以後譁笑急春氣先乘酒香入半酣已徹瓊爐圍
兩當軒詩鈔卷五

七

百罰翻教玉山立我嬾好花常不開我願故人常舉杯杯停
花放易分手百歲今皆能幾回

偶題齋壁

天留隙地位方床竹作比鄰草護墻四壁更無貧可逐一身
久與病相忘生疎字愧村翁問富有書憐市僧藏漸喜脚踏
添定性大千起滅滿空光

舟夜寄別杏莊

特別家
一日也

水聲到枕今何時醉中別君心自知扁舟夢斷五更冷風雪
無邊助淒警傾耳微聞折竹聲推篷已失蜚鴻影別時梅花
飛浦鷁坐君花下之草堂相看都怪語言少一夕離居已斷
腸歸夢今宵路猶憶明日相思在江北牛渚風濤百丈深歷

陽烟樹千重黑差喜百年交道真不瀆零落苦嫌身更將愁
水愁風意寄爾高歌擊筑人

悲來行

我聞墨子泣練絲爲其可黃可以黑又聞楊朱泣岐路爲其
可南可以北嗟哉古人真用心此意不復傳於今今人七情
失所托哀且未真何論樂窮途日暮皆倒行更闌漏盡鐘鳴
聲淨雲上天雷墮地一升一沉何足計周環六夢羅胸問有
我無非可悲事悲來舉目皆行尸安得古人相抱持天空海
濶數行淚灑向人間摠不知

烏江弔項羽

憤王遺像黯承塵已事空悲五裂身百二山河銷赤炬八千

兩當軒詩鈔

卷五

八

子弟走青燐好尋鬼母揮餘淚自有獅兒作替人王氣東南
來尙早不瀆亭長在江濱

橫江春詞

門外晴洲香草香浣紗生小愛春陽柳絲幾尺花千片蕩得
春江爾許長

不羨成都濯錦新鴨頭一色斂魚鱗逢人都道風波惡如此
橫江思煞人

家住橫江古渡頭年年江上望歸舟郎若歸時今日好常時
那見水平流

瀨水浣女祠

覆舟漁父共心期識在窮途死固宜豈必士爲知已用曾聞

事不使人疑沉埋情種潭千尺來往英靈風滿旗試問若耶溪畔女可應羞煞沼吳耶

對月感懷

對酒欣相共鈎簾不放遮低徊問清影辛苦照誰家秋士霜前草春人鏡裏花看來俱有盡終古一長嗟

飛騎橋

鼓吹聲沉樓櫺消紫髻幾許困雄臬半生意氣三篙水一騎飛騰兩版橋引袂剝深凌濕寇停棹涕破賀公苗經看壁壘真兒戲尚有垂楊映畫橋

廬州客舍寄宜興萬黍維時黍維將來而余又將之泗州矣高齋日暮攀孤幌客中楊柳垂垂長驚心春事日漸闌故人

兩當軒詩鈔

卷五

九

不至何由往笑聲在耳言銘心良會無多易疇曩抱柱曾慙

橋下期買舟未果山陰訪

出門特約過黍維後以事牽不果

榻來閉置金斗

城坐席未温車鐸響依人去住不自由身與桔槔同俯仰聞

君亦欲看山來吁嗟道路疲吾黨後先踪跡良悠悠破壁留

詩拂珠網鴻雁猶歸江上音烟波不共淮南賞料爾裝成罨

畫溪尚有落花隨畫漿

清明後七日雨中宿浮槎寺階下紫牡丹一本開盛有二百

餘頭寄河朱夫子作歌命和其韻

高僧得句夢子瞻石泉淙淙榆火爰身遊一徹未來境看花

更使遊心賢虛涼佛地盡諸相悅見天女空中拈一百六日

過雖警七十九朶誰先占

見清

桐風吹雨雲暗牖眼界燦若

初陽暹山深地古春光厚芳菲疇識先時覘野禽銜嫩著佛
頂長歧結網攀茅簷不憂儉父肩上擔時怯樵子腰間鎌怪
渠骨相匪枯槁所置身處何其廉問花母乃太自苦良久不
語花口箝花知道我代花答托根有土百不嫌魏家千葉本
冠世苦被俗論相髡鉗有心終是耻王後遺世獨立逃誠慊
非花我已得花意却笑積習徒沾粘慈恩深院古所賞顏色
豈肯長淪淹解留光艷照我輩直識遠勝千夫兼臨風顧影
若意氣爲見學士拈髭髯三章條似大篇易魂攝筆底花慊
懽藉令相見稍前後空山韻事誰能添深龕彌勒亦莞爾笑
我小綴言詹詹夜分花睡我亦睡切勿放下蘆花簾

浮槎山寺

舊志山自海上浮來梵僧見之曰此
耆闍一峯也寺爲梁武帝捨身處

兩當軒詩鈔

卷五

十

山形如槎雲浮浮者閣岬岬雲上頭

世語靈鷲山爲耆闍岬
山見水經注竺法維云

西來意祖三弟子一塊淨土虛根留梵僧碧眼親識得指點
怪秘傳千秋山靈非神亦非鬼夢落深宮愁帝子夢中山在
縹緲間按圖來求走中使一朝覓得隨布金山花笑指官車
臨鉛脂爭洗功德水富貴了寂鐘魚音此時老公失精魄剎
帝利來徒面壁空談已著旬波魔百身那懺臺城巨金甌已
缺荒故宮劫灰留鎖無心峯珠絡散爲塵土盡樓臺半逐烟
雲空從此浮槎歸失路天女常留散花處天邊鷲駕如可招
却跨山頭凌空去

山閣曉起

一榻重嵐裏酣眠卽道心澗幽琴響枕雲厚絮添衾不識夜

長短那知山古今來宵塵驛夢何處更相尋

泥塗嘆

經旬滯愁霖春泥苦融泄但積征途艱那補漏天裂沉濁潰
欲浮流陰薄難閉頓令如坻平投足起孤凸略激潏已過市
涉蹀先滅譬作瀚海行中道勢無輟誰能坐不冠或可養魚
鼈汗下聖所非欲往氣爲結未免相經過疇能避濺涅蜀道
胡云難隴坂未嫌折尺寸有可持遑復畏蹉跌縱有穆馭良
爲功遜乘橦足土苟不離却慮等跋斃幾訝方去輿不爲再
重設人憾那得齊勞生動膠轍僕御嗟何辜先後百推拙將
毋安微軀心境兩兀艱畢竟不半程用力亦云竭前途更淤
如欲鏟無巨鐵所望陽光開庶幾嘆聲絕

兩當軒詩鈔

卷五

十一

合肥城樓

箏笛聲消極浦間逍遙津水尙灣環英雄浪捲都無跡城郭
珠沉竟不還生惜文鴛名似海舊傾口口望如山登樓此日
生清嘯詞客淮南鬢已班

定遠

重岡百盤疊勢與遙山爭淮雲一片落遠見南譙城高樓矗
三兩雉堞蒼蒼明岡轉忽不見漸聞鷄犬聲馱鈴間市喧卸
裝孤館清烏烏起畫角月上詩已成稍遲館人語間數來朝
程飯冷酒力薄凄苦中宵情平頭促床枕明發宜五更一笑
塵之去且當吟洛生

紅心驛

茅檐三尺五里長牛馬矢雜泥築墻墻頭時出野花朵辛苦
細趁行人香紅塵欲晴日卓午綠柳尚縮時青陽急瀆小憩
饑尚可不妨夢熟炊黃粱

夜過黑山宿澗溪

兩程易陰晦不料夜已果極望無人烟悽惶落途左有山當
我前黧黑夕靄裏稍入意已迷甫涉塗無爰撲額崖崩奔仇
足石碎瑣怪光晴屢疑寂響魄虛墮一水忽界空遠現白瑤
瑤波聲嘶碎訇山經更埒何因喜忽狂嵌天見燈火勉爲
褰裳行捫石少危坐

不識水深淺連山落長堤堤水互出沒逕涉忘東西游魚觸
我足溜急風淒淒中望渺涯涘四索鮮據携行行偶出水一

兩當軒詩鈔

卷五

十一

絨浮沙泥恐極失軀命悲淚翻澌澌烟中忽人語境幻慮百
迷行近覺漁舍伊軋巨網提叩言岸將及霍然心坦夷經過
得此險世路無高低投村賈餘勇已有晨鷄啼

望泗州舊城

淮泗合處流湯湯作此巨浸如天長長天垂幘混欲動區區
城郭何能當城雉齷齪出波尺高谷深陵感疇昔十萬樓臺
岡象居幾年生聚齧鼉宅號聲未絕波壓頭人身魚首隨波
流當衝水伯擇人咬餘者到海流方休可憐生氣今未息水
上綠烟時蕩浮有山濱湖州已徙草草依山作壘市我來正
值春水生下者依然在中汜屋角帆開幾尺風墻頭鈞下三
竿水若遇海上王方平卽此又是蓬萊清嗟嗟橫目一何慘

令人慷慨思平成我念徐揚一隅地下流稍富用鹽利防河
堰築連雲高此間詎免迴瀾沸伊誰繪此生靈愁獨立蒼茫
一垂涕

登泗上樓

竟夜轟濤似鼓鼙登樓水勢與雲齊百靈自掣龜山鎖萬怪
湏然牛渚犀對此茫茫空禹跡笑人寂寂有隋堤故鄉東望
揚州近說到風波夢已迷

汪孝廉輝祖雙節母詩

五絃不同音肅殺主商羽一彈傷我心傾聽淚如雨問其何
能爲是音爲其兩絃同一心鼠看離鸞暮別鶴飛飛忽化雙
窵禽窵禽日銜南山石深深海水填不得石兮不爛海不枯
兩當軒詩鈔卷五

三

那不長出紅珊瑚貢之玉堂天下無

泗上喜洪大從姑孰來

貽山枕洪澤淮瀆勢瀆滉壓山十萬戶枕席波聲上水氣裏
爨烟居民雜象罔推簾納揚徐披圖驗墳壤詭私信莫窮臨
覽顧云廣俯仰雲濤間太息成孤賞所思苦未遂所苦忽復
申輕裝犯暝雨長揖來故人故人青霞侶嗜好昔所親岩中
易成別遊駕每同騁去歲江淮間輾轉如浮梗看山盡照障
論水達汝潁各吐胷中奇分揚出寸境酣來君怒張清氣余
薄飲相樂傲行路依依似形影濠州仲冬雪置酒行別君參
差歸雁行前後依斜暝梅開故園早時復同酒樽相顧忽不
樂前路將云分余攀小山桂爾訪天門雲從此一失去方嗟

離別始何意馬牛風忽來東西水前日得君書知君隔江住
對酒歌青山當筵舞白紵舊日同歡塲憐君獨行處來時江
北道應落千棠梨春水久瀾漫將母頓塗泥高馳爲君秣斗
酒爲君携灑掃湖上客放爾爲雄詞百怪待彈壓首者無支
祈

借稚存望洪澤湖有感

濤聲入耳心所嚮與君同家楚江上比年渴走塵埃間見此
洪派亦神王湖寬一面青嶂開立入萬仞高寒來水風吹衣
日落去石氣蕩魄雲飄回遠天黯慘湖變色雁飛不度鳴何
哀沉淪九鼎自太古蒼茫那見蠙珠吐浪靜似響鰲人機風
便欲遞馮夷鼓此時倒影動樓閣咫尺已畏雷雨作前驅青
兩當軒詩鈔卷五

西

兕淮神過長波欲吞大魚躍得觀如此將母歸回頭牛湖森
雨脚大陸浮沉且未休吾儕身世將安託歌聲如笑何處歌
沿山半州純浸波庚辰奚仲不在世嗚呼奈如歌者何
曉過滁州

四山過一雨城門開綠陰角聲起木杪一散嘔啞禽抱城水
瀾瀾過客驅車臨犬吠不出郭人烟多在林依依識熟路了
了悅方音客冬記經此歸路方駸駸雨雪迫徂歲所歷無幽
尋茲來春夏交烟景何沉沉層樓旣疊疊長雲蔽遙岑最高
知瑯琊翠色披滿襟側聞釀泉水云可醒人心行伴苦相失
微望愁滟滟兩度不一訪有愧茲邦深

羨頡侯塚

掩釜何如轆釜來區區恩怨事堪哈可知大度輸臣季肯向
軍前乞一杯

客冬從滁州肩輿至瓜步輿夫老壯各一今過此壯者復昇
余行問其同伴則去年從瓜步歸病死於道矣爲之愴然

賦詩

崎嶇風雪裏送我渡江行健語因貪醉逢山每報名遽看筋
力盡能免涕洟橫爾尙會相識前途酒共傾

過全椒哭凱龍川先生

有序

戊子鄉試公同考入闈景仁受知於公薦而未售庚寅公
再入闈中疾作同事諸公皆危之公曰此輩辛苦吾以身
殉不惜也披閱不輟竟卒景仁頻年奔走終未得一展拜

兩當軒詩鈔

卷五

五

盡弟子之禮隱隱之中上負知己今過所泊不覺愴然爲
此詩也

卧龍山勢盤嶙峋驅車欲過重摧輪前途叱馭且休發腹痛
爲感平生恩甘棠到眼盡遺愛摩挲愴惻傷心魂生未識面
死未哭此慟不此西州門三年枉自設虛位那盡平生感恩
誼此日青山疊疊愁當年紅燭條條淚辜負濃薰班馬心不
才自分甘拋棄苦爲方于抵死爭誰知爭命原無計此曹心

力鎮相憐反自拋殘辛苦地兩度戰場餐血腥先生手持千
佛經飄然上赴玉樓去爲道此間多不平遂令感誦溢吾黨
豈獨賤子綠私情暴腮點額無所憤從此江東亦將隱斥鷃
何來負羣風螿蟪只附傷心本丹旄多時返故鄉楚江烟月

兩茫茫可知德政崇碑下尙有門生用夕陽

飲全椒城南江氏園

水烟中霽飛彩橋清歌隔水聲相招衣冠忽集晉南渡竹石

占斷梁北譙三三月尙殿春在時間七七樹已愁風飄亭前杜鵑

將謝可憐閒處好欄檻明日墻外鞭絲揮

雨中過夾山

始夏天沍陰濱江地拳絡山回忽幽幽衣濕尙漠漠林末結
侶稀岩際懸裝薄後任許拒前起勢恬藏落雨氣合四圍顏
景反埋壑白石參沉雲回光閃倏燭中轉百里雷上突千紀
鶴瀑注甫避踵谷響屢應躡冥擢朱草莖暗護紫府鑰恍逆
真靈過深悲光怪作竒賞迹莫返理境鬱難拓謝客不可招
兩當軒詩鈔卷五

夫

茲觀廢消爓

浴陽池俗名太子泉在和州

瀨江多濕居物疵帝心悼厥力藉熨攻首事資潤導漏溢坎
莫縫立炊釜時煥楹豚根榮臺風戶位丹竈蒸沸爲虛浮望
氣知候到沆漑迴陽輪瓊瑤結風蠹詎惟起瘳痺亦實功早
澗遠客至以踵居民多見峯心悅銳先裸膚切却先蹈腠理
覺豎奔膏膏擬丁鑿疾去喜微眩漿流口真耗霍然起披衣
羣山動孤標

橫江曉渡懷張如良秀才

掛席指碧山長洲屢回互晴霞媚餘鮮微波淬輕素隱隱金
陵城蒼蒼歷陽戍東西界阻川低昂起中渡絕流爭去心戀

舊淹回顧乍聞榜人歌彌切遊子暮念我漂何歸思君美無
度結桂望層阿折麻悵岐路風波一阻長永矣愁朝暮
樓上對月

飄飄白袷當回風三五月出高照空一城露瓦高下白幾處
已滅窗燈紅病怯臨窗倦憑几苦被鐘聲促人起樓頭皓魄
已天中郭外青山如夢裏濛濛薄霧蒼蒼烟山意亦如人可
憐一絲清氣共來往星辰自動高高天風景依稀似前度此
間况是高寒處夜深誰念朗吟人願化遼東鶴飛去

兩當軒詩鈔卷之六

武進 黃景仁 仲則著

長寧 趙希璜 渭川校

聞龔愛督從河南歸

不飲忽忽傾千觴朝聞故人還故鄉
夢魂飛渡京口樹覺來
海月烟茫茫七年南北頻回首
別後狂名滿人口結客都從
燕市多愛才肯落平原後
昨夜聽鷄函谷來衣裳紫氣猶餘
否洛陽縣裏花愁風銅駝陌頭
荆棘叢知君懷古意鬱勃乃
使黃河一綫盤君胸
縱山唳夜鶴少室聞清鐘
下視唐陵漢寢竟何物
嗚呼此遊真足驕吳儂
我行瓠落無所惜歲歲年
年去鄉國所媿平生拜母交
阿蒙碌碌常如昔北海空勞薦

兩當軒詩鈔

卷六

一

禱書仲宣未是依劉客
太白樓頭不見君
謝公宅畔苦離羣
欲邀紅燭三更話
除借青山一片雲
我輩相望各蒼老
萬事期君致身早
不然痛飲酣青春
坐擁列鼎兼重茵
哀絛激竹寫懷抱
堂前醉倒三千賓
出門大笑忽萬里
莫使醜雞笑煞人

夜步池上

獨居每不樂臨軒
思快快主人好池臺
良夜誰過訪烟月
露已盈幽意成一往
地僻驕蹏蹏園荒
悅榛莽百卉遞暗馨
微風愜孤賞擾枝識
禽翻靡草辨蛇枉
轉綠境蒙茸寄此懷
颯爽屢步蕩虛氣
微哦破沉響竟漏將
何悰銜歎歸空幌

久雨寄示顧文子

梅雨經旬未放陽，舍南舍北盡汪洋。只疑天意驕河伯，可念人窮到子桑。巨蟒公然爭卧榻，轟雷多半雜崩墻。故交鄰巷無消息，問訊來朝駕一航。

調顧文子兼示稚存

久憶東吳顧文學，南州客况故依然。參苓半減經師俸，蔬笋還供都講筵。懶甚拋書妨坐卧，養深持論徹中邊。東頭尚有窮書記，妬爾天涯比屋緣。

錢塘江舟中看月

越峯青斷海門青，之字江流入杳冥。月出島烟常帶濕，潮回沙氣半浮腥。眼將天水分離合，身與魚龍判睡醒。烟外何人尙吹笛，夜深愁激子胥靈。

兩當軒詩鈔

卷六

二

富陽

曉天曠曠江漠漠，估帆四開估客樂。樟亭飲來酒未消，已在富春城下泊。潮來直侵城根平，城門晝開聞市聲。人居此間亦何好，水色山光餐不了。沙頭愁煞捕魚人，捕得魚多賣錢少。

過釣臺

桐君入我夢，趣我推篷起。一鳥啼岩間，雙臺峙雲裏。士載道旁情，惟有狂奴耳。更酌十九泉，飽看桐江水。

新安程孝子行 并序

孝子名文元，歙之洪坑人。母疾剗左臂以療，逾年復疾。孝子將割其右爲姊氏，覺急掣止之，相守侍疾，不與以便母。

竟卒孝子廬於墓三年歲時輒向墓號慟至今如常嘉興
鄭誠齋先生掌紫陽書院時孝子嘗從遊先生詳言之雖
跡近愚孝然其愚不可及矣爰爲作歌

新安江水何鄰鄰我問一歲來問津問我何數數愛其地氣
盤礴人風古淳山高澤深土膏厚宜產獨行君子先天民六
年往復卒未見匪不可見難乎真有程孝子洪坑人是果以
孝親其親行孤跡晦人罕道嘉禾夫子爲我言之頻言其去
歲來負笈見其戍削骨立如束薪顏色雖黯慘其中含古春
經年共寢處曾不輕笑嘔退乃察其隱悲淚盈巾問之不
肯語却立常逡巡一風吹衣露其肘有大如掌瘡癩新孝子
不及掩窮叩乃得知其因生年十三五嘗如日初寅嘻戲父
兩當軒詩鈔 卷六

三

母側謂此若可終其身一朝父也天所奪搥胷痛絕呼蒼旻
方知父母年瞬息皆堪珍回頭顧慈母夕若不保晨思父兮
斷絕事母兮苦辛晝行不離側夜卧不沾席與茵積此垂數
載母病床吟呻孝子卒無計刲股可療聞之人是夕風雨急
黑雲垂車輪抽刀暗室室生白搯肉多處揮如銀肉乎我母
寄汝命掀袂一割無由爿作羹進母霍然起吾肉效矣他何
論背人出瘡處隱隱還鱗鱗是何靈異無所苦合處若有神
針紉無何母病忽大漸徹晝夜侍無欠伸俄然起四顧出屋
行遠遂姊氏怪其狀偵至趨隨塵見其持刀袒臂向空視側
目視臂刀且掄急從後至反其臂責其戕體傷親神從茲行
影不相失母亦奄逝當茲辰孝子長呼姊誤我一毀不復能

支振三年廬墓如一日近淚赤土無荆榛林深地曠絕聞見
皓鳥矚雀日久投懷馴至今歲時省墓輒號慟慟時四野愁
霾屯我思孝子孝愚乃成其純世人薄天性勦說提其唇毀
傷固吾戒殺身亦成仁百無可冀翼一濟一髮尚欲回千鈞
此時遠及引文義何者孝子何忠臣先生聞言亦頷首命我
縱筆爲敷陳自慚腕弱不能達賒願欲貢王爲賓景星祥鳳
出示世一挽末俗歸於醇不然刻君黃山三十六峯頂坐使
姓氏萬古同嶙峋

袁陶軒約早起看瓶荷盛開

倦夢如塵掃不開披衣欲起更徘徊平生不負看花約拋得
冰紋簾子來

兩當軒詩鈔

卷六

四

淨几疎簾供若仙膽瓶猶說太和年盛來盡化楊枝水那得
開花不可憐

數年前陶軒之鄉人鋤地得古冢多藏瓦器滿
貯水作綠色上有刻太和四年者蓋其一也

豐山古梅歌

并序

梅爲宋杜先生默手植先生祠在焉莓苔蕪沒鮮過問者
乾隆三十七年安嶽督學使者朱笥河先生按部至和州
爲作亭刻石於上歌以記之

伊誰植此春風樹花下作歌人姓杜猿啼鶴唳空山空身後
誰來作花主先生之歌一世豪曼卿承叔真君曹先生花癖
何所似魂夢一清都似水愛水種樹花卽家較比逋仙富孫
子十年作尉不救貧四海結交誰更親獨將光怪不磨氣分
半壽得花精神青天鸞獻去飄忽坐使名花慘淪沒霜冷飄

殘博望鐘夜深掛住蛾眉月寂寞苔蘚荒寒烟閣世經今七
百年傳聞幾年花大放物色俄驚至天上風流使者乘傳過
下馬空祠爲惆悵洗幽刷夜回陽光憂玉銜金出高唱緣以
亭檻崇之碑詢之守土僉云宜重光置酒花墮醜一片贈與
公相思文人從此出顏色幸是相逢有文伯不見東風昨夜
來古香吹遍江南北

贈袁陶軒

近爲五言誰最長袁氏之子才英蒼是其家居溟海上沐浴
百寶之靈光豈獨論詩意相可母老家貧亦如我負米還兼
負笈遊五載重逢話燈火朗吟時一飄檐花細雨時聞落山
果憐君家世本崔巍廉吏之子今難爲道中西華竟誰識座
兩當軒詩鈔

卷六

五

上北海真君師

時借鄭誠齋先生遊

師門恩重邱山比青眼高歌望吾

子莫將歌哭向時人自有名山報知已不才自分甘飄零敢
托微波寄賞音頌知親在兼師在方識君心卽我心

贈別沈子孟

秋氣漸搖落吾徒今放歌但看君意得始覺我言多曲以無
絃韻顏管不醉醪自知聞道淺慰我欲如何

欵欵芳樽合迢迢蘭夜長無端成感激此意在微茫鶴送三
更淚蟾懸萬里光相思與江水明日下錢塘

水碓

更笑桔槔拙無心自轉環水因灘愈急人與碓俱閒獨火明

遙夜踈聲徹四山誰知傾聽者愁鬢欲成斑

退潭舟夜雷雨

山僧夜半敲石火照見古壁騰龍蛇岩風忽刮一燈滅驚起
百鳥鳴嘔呀千林萬竅浩呼洶俄傾急雨翻銀車嶺頭墨色
接天色白處雨脚垂如麻我舟忽爾移斷岸噲吟水石聲交
加舟人繫纜爭性命千丈一落分毫差懸崖怪樹電光裏龍
顛虎倒猶盤拏誰知暴雨不終夕打蓬漸歇箏琵琶前山已
復掛銀漢隔岸尙見飛灘沙當牕絕壁不能上薄雲來往明
於紗草頭點點散螢火水上閣閣鳴青蛙新涼美蒲雖快意
但破好夢方還家

吳山夜眺

高閣倚清虛深宵縱目初月浮江郭動星傍海門疎淚已乾
兩當軒詩鈔卷六

六

羊祐情當死伯輿如何凌絕頂難孳化人裾

山館夜作

步虛聲寂散羣真夜色平鋪不動塵雲影自來還自去最高
山閣未眠人

城郭人民別想勞看來身世摠秋毫此時萬戶應同夢上有
白烟低復高

長夜山牕面面開江湖前後思悠哉當牕試與然高燭要看
魚龍咬影來

十八夜

角聲風斷處月黑四林秋危坐忽消燭高吟欲震樓濤頭盤
地轉海氣等身浮尙有越山色烟中相對愁

暮歸北山下叢木頽垣未知何人祠也蒼涼獨步悄然成詩
樹中出鈴語覓徑經荒祠星光射空廓照見欹殘碑欲讀不
能審悄立回風吹輕塵旋成陣墮葉飄相隨屋角落烏羽草
心繫蟲絲人跡一無到精靈杳來窺憐余嗜幽僻不礙拈吟
髭明朝脫經過盥手陳江蘿

遊漪園暮歸湖上

名園負郭水爲鄰水上垂楊繫馬頻尋遍舊踪疑隔世畫來
秋色借全身池臺入暝難留客魚鳥能愁不近人苦說西湖
似西子此時意態只宜顰

洪忠宣詞

咬雪龍庭廿載餘辭家猶憶建炎初兩宮辛苦殄梨麵萬里
兩當軒詩鈔卷六

七

烟塵遞螭書事去僅歸蘇武節身閒聊傍葛洪居湯陰祠墓
還隣近可共英靈感故墟

登石磴山

草間尋得逕絕頂豁雲烟漠漠風寒石冥冥鴈沒天塔標銀
漢外寺立劫灰前只隔西湖水歌鐘萬戶喧

由烟霞嶺至紫雲洞精舍

日出倚湖棹陰嶺此孤發叢篠時鈎衣晞露漸盈甍已有樵
斧聲丁丁出深樾欲叩徑所從尋聲易飄忽稍稍開停雲微
微辨琳闕夜梵悄已沉晨鐘閒將歇入門見夷光沉照坐岩
窟洞氣凝古香雲根抱臞骨相對我亦忘焉知境超越君聽

幽澗泉泠泠幾時竭

黃龍洞一名無門洞

未縑三千級先瞻丈六容無門窺法藏有地立雲踪我識泉
皆眼人言錫是龍慧公如可作應許叩元宗

金鼓洞

祇激風泉韻何來金鼓名泥難補地裂石忽使天驚斷脉迎
人氣虛中學語聲幽潭睡何物時有怪雲生

大佛石

舊說明湖是海邊人民城郭摠茫然却餘精衛未銜石遂有
祖龍來繫船骨立何心邀錦纜尸驅差喜脫神鞭山靈亦解
滄桑恨造化西方丈六仙

戲題酒家

兩當軒詩鈔卷六

八

我亦曾裁一幅禪翻於此處買深樽出門欲脫青衫典先道
酒痕非淚痕

前度詞人今白頭往來曾閱幾人愁短章已汗君家壁試看
碧紗籠得不

過賈秋壑集芳園故址

風月平章賜第年一山樓閣半湖船若論相業慙何地便有
仙居借白天遠海幾時歸別鶴洛陽空復愴啼鴉半閒後樂
餘荒址滿路秋蟲咽暮烟

僧齋夜坐

四圍蕭瑟竹聲秋空僻雲房獨夜愁風雨忽來人定後星河
猶掛樹梢頭無端階犬迎空吠有恨窗螢自暗投沉坐頓忘

乃客處近城更鼓是杭州

問水亭

薄暮高城破鏡飛滿湖誰解愛清輝多情岸上人家火賺得
酒人無數歸

剩有狂名占寂寥烟中仙子自相招放舟今夜誰邊宿只向
水香多處搖

湖樓夜起

漁船歌舫寂無踪夢醒湖雲第幾重捲幔水風能破醉鈎簾
斜月似窺儂暗中草氣兼秋氣烟外山容似病容若爲幽人
伴遙夜一僧樓上自鳴鐘

湖上雜感

兩當軒詩鈔

卷六

九

遠山如夢霧如痴湖面風來酒面吹不見故人聞舊曲水西
樓下立多時

水寒成陣怯衣單落拓愁懷遣倍難薄負才情合憔悴可憐
閒煞好關干

雨中遊桃庄看飛泉

卽東坡題
飛泉亭處

搜石乃得泉泉流更洗石石爭爭天青泉飛化虹白山中連
日雨深塢絕行跡誰知穿雲來乃有問泉客左右聞澗聲尋
源固不隔懸崖忽當面飄沫時濺額俯掇星迸潭仰怖雷破
壁一與洞壑緣分支已千百稍戛旋翻銀微滄頓澄碧大海
及汙潦安知後所適保茲在山心莫忘初境窄逝矣眉山翁
誰歎證心獲

鳳山南宋故內

廢苑年年長綠蕪小朝廷此忍須臾久將去路歸滄海尙可
勾人是聖湖家法請成援越絕心傳行樂擬吳趨是曾聞得
興亡處錯認江山作霸圖

葛嶺尋歸

湖岸烟塵過雨清繁絲促管悄無聲水風蕭白鷗羣散山日
荒黃我獨行破寺陰陰飄柿葉晚行漠漠謝蘭英尋吟自愛
幽涼地反覺悲秋氣漸平

水樂洞

地籟此焉得了非絲竹桐有人聞帝所何日到山中近覺泉
生石因知水韻風金庭當不遠絕穴可相通

兩當軒詩鈔

卷六

十

雲集寺

五雲山臺行復低縱橫十八澗九溪何山不雲此間好入塢
忽逢雲所棲漫空綠兩竹千頃入不辨出雲俱迷鐘聲導客
出蘭若步擔一二逢闍黎蓮池蛻跡此焉在一草木意皆含
西嵐形龕抱定光見鮪皮如腊山肩齊和南乍了塔相對師
乎何語相提撕梅檀噴鼻和蒼荷伊蒲果腹甘飴餽齋餘寺
後看岩澗腰腳縱好須扶藜薛階四浸泉漣漣藤壁獨裊烟
淒淒回峯閃綠理倒景急瀑掛練飛長霞延緣復值徑窮處
嶺頭尺五天抽梯飛空騰擲我無具有不盡意輸颺聽名山
幾處過如霧眼膜欲刮無金甌今宵且可抱雲宿忍待日出

窮攀躋

虎跑泉

性公元和間挂瓢偶來此愛此山氣佳無泉亦將徙道逢白
鬚人長跪乞留止朝見雙於菟乃是兩童子盤旋忽不見已
有一泓水問水何方來南岳幾千里龍象一帖然天人共歡
喜至今鳴絃聲淙淙碧岩裏青蒲偃其旁綠蘿影其底但啜
茶味佳其人可知矣一彈幽磬音再鼓松風起

龍井

一路風篁韻行人度嶺來逕緣花宛轉澗與水縈迴孤往追
岩客空心訪辨才過溪亭不遠小憩亦佳哉

轟雷何處轉絕壁響龍泓物外齊乾澗山中誤雨晴不因風
斷續長掛月空明但莫然犀逼幽靈自不驚

兩當軒詩鈔

卷六

十一

舊說湖山石茲窺衆妙門浪蒼天補色窈峭地掀根面久無
留影捫多已有痕更憐幽草碧趺坐每生溫

靈芽原有種他處邈清腴地借雲千葉僧分水一盂腸輪猶
自轉舌本已堪扶留與松房墮他時位竹鑪

一按太虛記長懷玉局仙烟霞無改色丹碧是何年寂寂諸
天雨寥寥此夜禪明朝下山路回首定悽然

浙江亭

朝潮暮汐幾時休閱得吳兒幾白頭前度客驚霜雪老最高
吟倚海山秋蛾眉月掛愁千里魚口風吹阻萬舟明發赤亭
西上路片帆飛溯浙江流

黃山問道圖爲范懷山作

范善

不知山澗深安測道今古千雲隔兮萬雲阻縹緲高真此宮
府山之神兮林林而央央是守天地之戶陰陽所藏坎離獻
胎息日月輪精芒其人在山山亦壽等閒草木皆靈長持將
示世人不識杳絕紅塵詎能覓何來乃有方瞳翁自掃青霞
踏青壁木魅嗥君旁山猶歎君側還丹不求求欲得自把精
誠破山石黃圖之精吳樞子當日尋真亦來此登空躡岱徒
茫茫採得靈源後天死爐烟裊作天都雲龍尾才拖鼎湖水
頻行留有膏藥方一一皆能鑄顛齒翁今訪此非自仙欲遣
大地蠢蠢全其年至人使物不疵癘孤往那惜芒鞋穿或云
巫彭不升岐伯天草根樹皮無妙道黃軒奸黷橋山崩靈蘭
玉版言無徵安知雲驂氣躡隨地足不到聖處誰能乘容成
兩當軒詩鈔卷六

三

子浮邱公往來只在茲山中有時化鶴似童子有時化鳧如
老翁樵夫牧豎不可以皮相往往出沒游戲隨雲風翁行前
路定相識拊掌一笑山桃紅翁乎入山莫忘出多少扁盧符
翁活

七里瀧

海潮連日大直過子陵灘助以乘風使都忘上瀨難山圍青
步障水皺碧琅玕長憶披裘客空江亦自寒

賀齊廟

公苗英爽練江邊擊賊威名自昔傳舊地赤烏開郡縣當時
白楸費三千掃除山越瘡瘕合倉卒淮淝涕淚連父老那知

開國事祈春賽騰自年年

新安灘

一灘復一灘一灘高十丈三百六十灘新安在天上

穉存從新安歸而余方自武陵來新安相失於道作此寄之
來鴻去燕江干路露宿風飛各朝暮多時相失萬重雲忽又
相逢不相顧吁嗟吾輩有底忙悵好年華此愁度君飲新安
水我客錢塘城風岩水穴每獨逞此間但恨無君行君下巖
陵灘我上富春郭日日看山不見君咫尺烟波已來錯卸裝
孤館開君書知君去才三日餘君行盡是我行處一路見我
題詩無吳山越水兩迎送今夜追君惟有夢

贈程厚孫時爲厚孫作書與汪容甫定交

繫余抱黯陋研弄鮮精業橫陳撫遺經詰屈口先嚼問解唾
兩當軒詩鈔

卷六

七

俗儒齷論何哮呷識字得未曾異同先披撥顏強師承抱
膝未見韜細或吹牛毛紆或旋螺甲虛或逃芒荒挺或走偏
狹亦藉坐泥蟠鑑響誰與攜何如返崇山沉冥守雲匣何如
老秦壁甃甃任頽壓雖然千百年名義固非乏緬維兩漢英
紛綸工羽翬名象微言該訓詁精理洽下際閭洛彥闡聖在
心法亦坐門戶煩孽庶相攻切所貴觀其逼不廢如裘裕亦
如道支流納浸酒啟牖亦如冶洪爐金沙融一霎誰爲同心
言痒處與搔搔邇來邁程子高談快傾峽爲儒有家世此任
在肩胛傑視卓不羣雄步坦無踰視所下惟處望氣已爲憎
百城富擁桓萬軸架盈鄰時出金石獻聲發不能欲遐哉作
述心曠世若呼歎告我獨學難業成資輔來奈何感鳳資友

我等鳧鴨我識江都汪投分差可恰匪特經無雙羣言共貫
插平時氣炎炎可望難可狎論文忽幽渺境擬月寒峽遂與
俗殊尚狂名紛喋喋知君求交殷招來爲飛劄文陣各挽強
敵勅兩無怯我爲壁上觀自定不及貶名山讓公等吾行荷
鋤鍾

秋日讀書不疎園贈主人汪賓夫

繞屋皆山我看遍見山太多心亦厭田稜高下峯嵐重石腹
輪囷秀靈見西行千里忽渺綿遠林蒼蒼波瀲灩如繩大路
搖鞭絲似黛遙山界車幃美哉此鄉宜有人勝處却被君家
占畧經邱壑皆文心別埽烟霞築吟坵君家名園先世貽維
何藏之富鉛槧陸家充棟曹盈倉養就君才許華瞻相逢意
兩當軒詩鈔卷六

齒

氣山爲傾倏見揮毫天可探若將抱樸塵齒牙何異蹄涔破
天塹肯容廡賃已幸叨許借書抄益愁忝半生無術孟浪遊
五字未工窮有驗知君博我良苦心祇恐病處難爲砭反思
昨夢天風吹百尺樓頭位書劍早知此境眼前得何事十年
徒羨艷吾徒亦有二三子天涯獨學勞遠念行方作書慰藉
之書成已有鷄鳴店

題汪松溪遺集并所著詩學女爲實夫之父

近世作者何紛紛牛毛麟角誰能分文人傳否生未必要在
光爛能常存先生往矣遺稿在我得讀之從後昆豈其天意
假司命乃遭大雅來扶輪文章可解妙難解解望侯但覺春溫
溫慨然想見公爲人坐公讀書秋樹根不疎之園鄰鄭村村

人往往罕識面鍵關暗對惟皇墜屏除一切可已事放作百
劫難刊文鑄山煮海富研述四始六際邇紛綸上追申克溯
元本下揖亨蓁相討論十年書成付庭鯉六經未有如詩尊
乃知文字有元氣得古獨厚方深醇瓣香欲祝來已晚私淑
尚有伊川孫厚是真窺見法眼藏不啻皇甫來韓門三時抱
簡聲常吞先生齎志良苦辛方今幸值右文代石渠衆彥趨
如雲此書一出有目見先遣雅奏從天聞一編家置意中事

但恨不及當公身

時詔購藏
書將獻焉

題許萃和樂山書屋

昔遊何山竒東南黃海最但驚秀絕天地間終愁險出人情
外此地合讓天爲都遊之且難而况居若論卜築何者得我
兩當軒詩鈔

卷六

五

作主人山作客不待招邀滿戶庭常與幽人借顏色能化城
市爲烟霞最好未有如翁家市聲只用一墻隔嵐翠已教三
面遮看山得山自來處百里軒臺陡雲霧支峯散作萬馬奔
昂昂欲過牕前去此中讀書生子孫那不頭角都嶙峋馮家
四經舊守匣鄧氏一藝皆空羣方知愛山有真樂雀躍作遊
吾自笑願托靜者爲平生此意久取名吾名行當脫却謝公
屐來看君家一桁青

題汪莖儀圖照

乘空列御是耶非廣袖飄如鶴退飛誰道高寒歸不得七重
雲護五銖衣

